

Begrüßung beim Berger Heimattreffen am 13.10.2017

“Hamgiehn, ka lieba's Wort hot unsa Sproch”,
singt man im Karntnalond, und i sog's noch!
Hamkemm - dos Wort tuet guet, Hamkemm - Wohin?
Wo mei Herz gonz daham is, wo i ongnommen bin.

Dös, liebe Leut, hobt's Eua Daham gfoundn im Lebn,
doch heut hobt's Euch hinta zum Ursprung begebn.
Die Gemeinde hot gruefn - und viele seind kemm,
tuet's Eua erstes “Daham” mit oln Sinnen wahrnehm'!
Hot ah Berg für Euch niema es gonz olte Gsicht,
weil durch die Johr und die Zeit Veränderung gschicht.
Und da Mensch do muess mit, on dem werd er gmessn,
es wor früher nit olls “gulden”, is ah sunst nindast gwesn!
Doch, Menschn hom viel gmocht aus die Gegebenheitn,
so tuen die Zeichn ah in Berg stork in die Zukunft deutn!
Und schaug's lei unsa Musi on - besteht 250 Johr,
ob Krieg, ob Friedn, ob Freud und Leid in unsan Dörflen wor!

Bin stolz, doss i a Bergerin bin, holt long schon auf da Welt,
und Enk oln hot's Lebn seinerzeit do her die Wiegn gstellt.
Genießt's de Tog, nehmt's recht viel auf, wos guet is und wos schien,
doss ah im Herzn wos hintnbleibt, wonn dös wieda furt müesst's giehn!

Maria Wuggonig